



***isključivo za web, nije službeni dokument**

Biografija

OLIVERA ĐURIĆ – TUŽILAC TUŽILAŠTVA BiH

Olivera Đurić diplomirala je na Pravnom fakultetu Univerziteta u Sarajevu 1983. godine. Iste godine je, kao pripravnik, počela sa radom u opštinskim organima uprave.

Nakon polaganja stručnog ispita za radnike organa uprave 1984. godine, radila je kao referent za imovinsko-pravne poslove. U periodu od 1985. do 1987. godine položila je ispit za sudiju za prekršaje i radila kao sudija za prekršaje u Opštinskom sudu za prekršaje u Maglaju, nakon čega je prešla na poziciju predsjednika navedenog Suda, na kojoj funkciji je bila do 1992. godine.

Tokom 2000. i 2001. godine radila je na poslovima stručnog saradnika u Općini Maglaj i Općinskom sudu u Maglaju. U periodu od 2001. do 2003. godine vršila je dužnost općinskog pravobranioca u Općini Maglaj.

Pravosudni ispit je položila 27. 01. 2003. godine. Na poslovima pravnika – specijaliste za upravu i menadžera programa reforme općinske uprave na USAID-ovom Projektu uprave i proceduralnih sistema IRIS/ALPS, radila je od aprila 2003. do marta 2006. godine.

Do decembra 2006. godine radila je na poziciji pravnog saradnika u Sudu BiH, kao uposlenik Ureda registrara u podršci Odjelu I za ratne zločine i Odjelu II za organizirani kriminal, privredni kriminal i korupciju Krivičnog i Apelacionog odjeljenja Suda Bosne i Hercegovine.

Odlukom Visokog sudskog i tužilačkog vijeća Bosne i Hercegovine od 08. 11. 2006. godine imenovana je na poziciju sudije u Općinskom sudu u Kiseljaku, koju dužnost je obavljala od decembra 2006. godine do februara 2008. godine, kada je prešla na poziciju sekretara Tužilaštva BiH, koje poslove je obavljala do 01. 12. 2013. godine.

Na poziciju tužioca Tužilaštva Bosne i Hercegovine imenovana je odlukom Visokog sudskog i tužilačkog vijeća Bosne i Hercegovine od 20. 11. 2013. godine, a na dužnost tužioca Tužilaštva Bosne i Hercegovine stupila je 01. 12. 2013. godine.

/kraj/